

Faturazione eletrònica: còditze ipa càmera de cummèrtziu de aristanis

25 de martzu 2015



Dae su 31 de martzu 2015 sas faturas emìtidas a favore de sa Càmera de Cummèrtziu de Aristanis ant a dèpere èssere in formadu eletrònicu ebbia.

Cun sa lege finantziària de su 2008 (L. 244/2007) e su Regulamentu atuativu chi pertocat sa matessi lege publicadu su 22 de maju 2013 (D.M. n.55 de su 3 de abrule 2013) est istadu, in relatzione, introduidu e diventadu operativu s'òbligu de sas faturatziones eletrònicas pro su pagamentu in sos raportos tra s'Amministratzione Pùblica e sos fornidores.

Poscas su decretu Irpef 2014 (D.M. n.66 de su 24 de abrule 2014) at fissadu a su 31 de martzu 2015 sa data dae cando totu sas Amministratziones Pùbricas, chi non apant tentu s'òbligu dae su 6 de làmpadas 2014, ant a pòdere leare faturas trasmitidas ebbia in modalidade eletrònica cunforme a su formadu de s'allegadu A "Formadu de sa fatura eletrònica" de su D.M. n.55/2013 mentovadu.

Pro sas finalidades prima indicadas, custa Amministratzione at provididu a acreditarre sos ufìtzios suos in su Portale dedicadu a s'Ìnditze de sas Amministratziones Pùbricas (iPA – www.indicepa.gov.it).

Si comùnicat de sighidu su Còditze Unìvocu Ufìtziu de sa Càmera de Cummèrtziu de Aristanis de impreare pro su recàpitu giustu de sas faturas eletrònicas dae sa data de su 31 de martzu 2015:

Còditze Unìvocu Ufìtziu: **ERTPXN**

Nòmene Ufìtziu: **Fatturazione elettronica – Ufficio Ragioneria**